


Tikanga ā-Iwi



TIKANGA Ā-IWI

“Kāore i kotahi te whakahaere o ngā Tikanga ā-Iwi. He iwi anō me ūna tohunga me ūna tikanga me āna whakahaere. Hiki atu he iwi, pērā tonu. Nō reira, kia mau koe ki ū ake Mā ū rātou uri e mau ū rātou nā kōrero. Engari kia mau koe ki ngā kōrero a ū mātua, a ū tūpuna. Ina ka tika, ka waiho mai ētahi mātauranga hei taonga mōu.”

(Te Whatahoro, 1865)



He aha te Tikanga ā-Iwi?

I puta ake te wairua o te Tikanga ā-Iwi i roto i ngā kupu a Te Whatahoro, arā, te āta titiro ki ngā āhuatanga huhua o te tangata e mārama ai te ākonga ki tōna ao. Ka tirohia ngā mahi a te tangata hei whakatutuki i ūna matea kikokiko, matea pāpori, matea ngākau, matea wairua hoki.

Ka ākona te kaupapa o te Tikanga ā-Iwi mai i te taumata 1 o te kura tuatahi ki te taumata 5 o te kura tuarua. He kōwhiringa te Tikanga ā-Iwi, te Hītori, te Matawhenua me te Ōhanga mai i te taumata 6 ki te taumata 8 o te kura tuarua.



He aha ngā hua o te ako i te Tikanga ā-Iwi?

I roto i te Tikanga ā-Iwi ka whakawhanaketia e te ākonga tōna mōhio ki ngā āhuatanga porihanga me tōna mārama ki ngā āhuatanga whanonga tangata.

Mā tēnei, ka taea e te ākonga te uru i runga i te mōhio, i te haepapa hoki, ki ngā mahi waihanga porihanga.

Ko te Tiriti o Waitangi me ūna āhuatanga katoa te tāhū o te Tikanga ā-Iwi. E mārama ai te ākonga ki tōna ake tūrangawaewae mā te arotahi ki ngā tāngata, ngā tūāhua me ngā whakaawenga i waihangatia ai te porihanga o Aotearoa.

Ka titiro hoki te ākonga ki te noho a ngā iwi o tāwāhi, arā, ki tā rātou nei titiro ki te ao.

Ka tūhura hoki te ākonga i ngā take o te wā kia mārama ai ia ki ngā tūāhua me ngā tāngata tāpua o tēnei ao.



He pēhea te hanganga o te Tikanga ā-Iwi?

E whā ngā whenu o te Tikanga ā-Iwi.

I roto i te whenu o Te Whakaritenga Pāpori me te Ahurea ka whakawhanake te ākonga i tōna mōhiotanga me tōna māramatanga ki:

- ngā take me ngā huarahi e whakarite ai te tangata i a ia anō ki te whakatutuki i ūna matea;
- ngā motika, ngā tūranga me ngā haepapa o te tangata i a ia e pāhekoheko ana i waenga rōpū;
- te hononga o te ahurea ki te tuakiri o te tangata me ngā putanga iho o te pāhekoheketanga ahurea.




I roto i te whenu o Te Ao Hurihuri ka whakawhanake te ākonga i tōna mōhiotanga me tōna māramatanga ki:

- ngā pānga i waenga i te tangata me ngā tūāhua o mua, ngā whakapono me ngā whakaawenga i waihangatia ai te porihanga;
- ngā whakamāoritanga o aua pānga i te huringa o te wā.

I roto i te whenu o Te Wāhi me te Taiao ka whakawhanake te ākonga i tōna mōhiotanga me tōna māramatanga ki:

- ngā pāhekoheketanga o te tangata ki te wāhi me te taiao;
- ngā mahi a te tangata hei atawhai i te taiao.



TIKANGA Ā-IWI

I roto i te whenu o Ngā Mahinga Ohaoha ka whakawhanake te ākonga i tōna mōhiotanga me tōna māramatanga ki:

- ngā huarahi whakamahi, tohatoha, whakahaere hoki a te tangata i ngā rawa;
- ngā take me ngā huarahi e whakauru atu ai te tangata ki ngā mahinga ohaoha.

Ko te huarahi ako i te Tikanga ā-iwi ko te tukanga o te pakirehua pāpori. Mā roto i tēnei tukanga ka whai wāhi te ākonga ki:

- te patapatai, te tukatuka mōhiohio me te whakawhitī kitenga;
- te tūhura i ngā rerekētanga o te titiro, te whakaaro me te uara, me ngā take mō ēnei;
- te tirotiro take, te tautohu me te arotake otinga, me te whakatau huarahi hei whakatutuki kaupapa pāpori.



Te Whakaritenga Pāpori me te Ahurea	Te Ao Hurihuri	Te Wāhi me te Taiao	Ngā Mahinga Ohaoha
<i>Whiria te kaha tūātinitini, whiria te kaha tūāmanomano. Nō ngā tūpuna, tuku iho, tuku iho.</i>	<i>E tama, e hine, tangata i ākona ki te whare, tū ana ki te marae, tau ana.</i>	<i>Kotahi tonu te matua o te tangata Māori, ko Ranginui e tū nei, ko Papatūānuku e takoto nei.</i>	<i>E kore e ngaoko te rākau ki te tīkina i te pūtake whakangaoko ai, engari, me tiki ki te matamata.</i>

Whāinga Matua

I roto i te whenu o Te Whakaritenga Pāpori me te Ahurea ka whakawhanake mōhiotanga te ākonga ki:

- ngā take me ngā huarahi e whakarite ai te tangata i a ia anō ki te whakatutuki i ūnā matea;
- ngā motika, ngā tūranga me ngā haepapa o te tangata i a ia e pāhekoheko ana i waenga rōpū;
- te hononga o te ahurea ki te tuakiri o te tangata me ngā putanga iho o te pāhekoheketanga ahurea.

I roto i te whenu o Te Ao Hurihuri ka whakawhanake mōhiotanga te ākonga ki:

- ngā pānga i waenga i te tangata me ngā tūāhua o mua, ngā whakapono me ngā whakaawenga i waihangatia ai te porihanga;
- ngā whakamāoritanga o aua pānga i te huringa o te wā.

I roto i te whenu o Te Wāhi me te Taiao ka whakawhanake mōhiotanga te ākonga ki:

- ngā pāhekoheketanga o te tangata ki te wāhi me te taiao;
- ngā mahi a te tangata hei atawhai i te taiao.

I roto i te whenu o Ngā Mahinga Ohaoha ka whakawhanake mōhiotanga te ākonga ki:

- ngā huarahi whakamahi, tohatoha, whakahaere hoki a te tangata i ngā rawa;
- ngā take me ngā huarahi e whakauru atu ai te tangata ki ngā mahinga ohaoha.



**Te Whakaritenga
Pāpori me te
Ahurea**

*Whiria te kaha
tūātinitini,
whiria te kaha
tūāmanomano.
Nō ngā tūpuna, tuku
ihō, tuku ihō.*

Te Ao Hurihuri

*E tama, e hine, tangata
i ākona ki te whare,
tū ana ki te marae,
tau ana.*

**Te Wāhi me
te Taiao**

*Kotahi tonu te matua
o te tangata Māori, ko
Ranginui e tū nei,
ko Papatūānuku e
takoto nei.*

**Ngā Mahinga
Ohaoha**

*E kore e ngaoko te
rākau ki te tīkina i te
pūtake whakangaoko ai,
engari, me tiki ki te
matamata.*

TAUMATA 1

1.1 Ka whakamārama
i ngā take e uru
atu ai te tangata
ki te rōpū.

1.1 Ka whakaahua
i ngā kaupapa
me ngā tūāhua
whakahirahira o
tōna ao.

1.1 Ka whakamārama
i ngā āhuatanga
tūturu me ngā
āhuatanga ahurea
o tētahi wāhi.

TAUMATA 2

2.1 Ka whakamārama
i ngā tūranga
me ngā haepapa
ka kawea e te
tangata i roto i te
rōpū.

2.2 Ka whakamārama
i ngā āhuatanga
ahurea me ngā
tuku ihotanga o
tōna ake iwi, me ū
ētahi atu iwi hoki.

2.1 Ka whakamārama
i ngā take me
ngā huarahi e
whakaaro nuitia
ai e te tangata
ngā wā o mua.

2.1 Ka whakaahua i
te whakaawenga
o ngā mahi a te
tangata i te wāhi
me te taiao, me
te whakaawenga
o te wāhi me te
taiao i ngā mahi a
te tangata.

**Te Whakaritenga
Pāpori me te
Ahurea**

*Whiria te kaha
tūātinitini,
whiria te kaha
tūāmanomano.
Nō ngā tūpuna, tuku
aho, tuku iho.*

Te Ao Hurihuri

*E tama, e hine, tangata
i ākona ki te whare,
tū ana ki te marae,
tau ana.*

**Te Wāhi me
te Taiao**

*Kotahi tonu te matua
o te tangata Māori, ko
Ranginui e tū nei,
ko Papatūānuku e
takoto nei.*

**Ngā Mahinga
Ohaoha**

*E kore e ngaoko te
rākau ki te tīkina i te
pūtake whakangaoko ai,
engari, me tiki ki te
matamata.*

TAUMATA 3

- 3.1 Ka whakamārama i ngā huarahi e whiwhi ai, e kawe ai hoki, te kaiārahi i tōna tūranga.
- 3.2 Ka whakamārama i ngā take e whakarite ai, e whakamahai ai hoki, te tangata i te ritenga me te ture.
- 3.3 Ka whakamārama i te rerekētanga o ngā mahi a ngā rōpū ahurea, ahakoa e whakaata tonu ana ēnei i ētahi pūtake ūrite.

- 3.1 Ka whakamārama i te whakaawenga o ngā whakaaro me ngā mahi a te tangata i te oranga o ētahi atu i ngā wā o mua.
- 3.2 Ka whakamārama i ngā huarahi e taea e te takitahi me te rōpū te urupare ki te panoni.

- 3.1 Ka whakaahua i ngā huarahi i pāhekoheko ai, i urutau ai te tangata ki te taiao i ngā wā o mua.
- 3.2 Ka whakamārama i ngā take me ngā huarahi e whakaatu ai te tangata i tōna hononga ki tētahi tino wāhi, ki tētahi tino taiao.

**Te Whakaritenga
Pāpori me te
Ahurea**

*Whiria te kaha
tūātinitini,
whiria te kaha
tūāmanomano.
Nō ngā tūpuna, tuku
aho, tuku iho.*

Te Ao Hurihuri

*E tama, e hine, tangata
i ākona ki te whare,
tū ana ki te marae,
tau ana.*

**Te Wāhi me
te Taiao**

*Kotahi tonu te matua
o te tangata Māori, ko
Ranginui e tū nei,
ko Papatūānuku e
takoto nei.*

**Ngā Mahinga
Ohaoha**

*E kore e ngaoko te
rākau ki te tīkina i te
pūtake whakangaoko ai,
engari, me tiki ki te
matamata.*

TAUMATA 4

- 4.1 Ka whakamārama
i te whakaritenga
a te tangata i a ia
anō hei urupare
ki te mātātaki,
ki te mōrearea
rānei.
- 4.2 Ka whakamārama
i ngā take me ngā
huarahi e tukuna
aho ai e te takitahi
me ngā rōpū, ō
rātou ahurea,
ō rātou tuku
ihotanga, kia mau
pūmau.

- 4.1 Ka tautohu i
ngā pūtake
me ngā otinga
o ngā tūāhua
kua waihanga
i te oranga o te
tangata.
- 4.2 Ka whakaahua
i ngā huarahi
e tuhia ai, e
maumaharatia ai
ngā mahi o mua.

- 4.1 Ka whakamārama
i ngā whakaatatanga
o te wāhi i ngā
pāhekohekotanga
o te tangata ki
te taiao i ngā wā
o mua.
- 4.2 Ka whakamārama
i ngā whaiwāhitanga
me ngā mātātaki
o te torotoro mō
te tangata, te wāhi
me te taiao.

- 4.1 Ka whakamārama
i ngā take me ngā
huarahi e rerekē
ai te titiro me te
whakamahi a te
tangata i te rawa
me ngā putanga
aho o ēnei
āhuatanga.
- 4.2 Ka whakamārama
i ngā take me ngā
huarahi e whai ai
te takitahi me te
rōpū kia tiakina
ngā motika o te
kaiwhakapeto.